

方輿彙編

山川典

古今圖書集成

中華書局
已酉書社

方輿彙編 山川典

古今圖書集成

中華書局 已另書社

欽定古今圖書集成方輿彙編山川典

第二百二十二卷目錄

河部彙考六

考

河部彙考七

陶唐氏帝堯一則

夏帝芒一則

周成王一則 周王一則

秦始皇一則

漢文帝二則 武帝建元一則 元封一則

後漢明帝永平一則

北魏太祖拓跋珪一則 太宗泰常一則 世祖

唐元宗開元一則 天寶四則

宋太祖乾德一則 太宗太平興國一則 神宗

元世宗大定三則 憲宗明昌一則 宣宗貞

明太祖洪武二則 英宗正統一則 世宗

河部彙考八

皇清順治二則 康熙一則

山川典第二百二十二卷

河部彙考六

考

按陝西通志黃河自西番入中國陝西省經洮州河

州蘭州諸境又東北流出塞二千餘里復入中國山

西大同府界

按洮州衛志黃河在衛西九百里流崑崙山東經本

衛直抵河州衛界

按岷州衛志洮水在衛北一里發源西傾山柏木溝

東流入州界北至枹罕入于黃河

按河州志黃河在州北八十里源出西域察罕腦兒

華言星宿海子過崑崙山禹貢導河自積石蓋自積

石至河州界經洮州城西匯洮灘湟水由蘭州城北

越亂山過寧夏出塞外爲河套始轉而東入豫充

積石山在州西北一百二十里禹貢導河積石至于

龍門即此兩山如削黃河中流

黃河上渡在積石山下路通西寧

黃河下渡在州北六十里刺麻川通莊浪路

洮湖橋在州城東三十里禹未繫時州地即湖也既

繫水皆入黃河故名兩岸禹鑿石蹟猶存

按蘭州志黃河在州城北五步

龍尾山在州城西南即皋蘭山西文形如龍尾落黃

河之端

柯家灘在州城東北七里河水中

石峽口峽在州城東二十五里兩岸懸立黃河東流

入金縣亂山始瀉爲巨川

紅泥泉在州城東南十五里源出自皋蘭山麓下流

入于河

浩臺水在州城西北一百九十里一名關門水源出

馬寨山峽中流經州城東南入黃河

梁泉水在州城東南八十里北流注于河

曲柳泉在州城東三十里東流入河

崔家崖壩與教場後壩皆引黃河水

按金縣志黃河在縣北六十里

按鞏昌府志黃河在會寧縣北二百八十里自金城

來納諸水經古會州

什字川水在縣東五十里出自隆德山谷中下流入

河

按安定縣志亂山在縣北八十里紛峙若蜂窩然黃

河繞此而南

西河去縣一里發源于甸子川凡西之溪流皆屬焉

至東城角與東河會北流二百里入黃河

按臨洮府志洮河在府西三里源出谷潭地西傾山

盤旋山峽中數百里始入府界東流至枹罕縣合衆

流入于河

按靖遠衛志黃河在衛北一里河北即塞外

韋靜山在衛北三十里東連雲山石峽險窄黃河自

上垂流數十丈折而東入寧夏界

祖厲水在衛西南一百三十里北流經舊祖厲縣入

黃河

黃河堰在衛北唐刺史安敬忠築以捍河流

按寧夏衛志黃河在衛東南四十里自蘭會來經中

衛入峽口又經鎮城東北引渠溉田數萬頃又東北

過東勝抵雲中界

峽口山在衛西南一百四十里南山相夾黃河經其中

黑水河在衛城北番名哈刺兀速河西流注于黃河漢延渠在城東南引黃河水遶城數田可萬頃

唐來渠在城西南引黃河水遶城西灌田萬餘頃靈州守禦千戶所漢伯渠在黃河西南引河水溉田二百餘頃

按平涼府志固原州黑水有二一在州北五十里爲大黑水一在州北百二十里爲小黑水合流入黃河

清水發源六盤山下遶城東北至鳴沙入黃河按綏德州志黃河渡在州東一百二十里

按葭州志黃河在州城東按府谷縣志黃河在縣城外百步許流入神木縣界

按神木縣志曲源水在縣西南源自河套來流入黃河

按吳堡縣志黃河在縣東一里按延安府志清澗水在清澗縣西城下自安定界來

南流入黃河無定河在縣東八十里自綏德州界來流至清澗縣

境入黃河按延川縣志黃河在縣東境有涿水川末平川

吐延川在城北自綏德州流此入黃河站川由文安驛流入縣境歸于黃河

按延長縣志黃河在縣東境交口川在縣東北四十里舊屬戰山下東入黃河

安溝河在縣南三十里自岔口經安溝由棗林流入黃河

按蘭施縣志延水在縣東門外源出盧關嶺經城下流入黃河

按甘泉縣志麻洞川水在縣東一百二十里南流臨鎮城下過宜川雲巖經汾川于石堡岩流入黃河

按宜川縣志黃河在縣東八十里孟門山在縣北八十里黃河中流有石扼之禹鑿石導流於此

汾川水在縣北八十里源出甘泉縣界東入黃河澤徑水在縣北一百二十里之外東流入黃河

仕望川在縣西四十里自甘泉境流來過平路堡與銀川金川俱會入黃河

白水川在白水里以水色偏白故名流入黃河河清川在河清里自韓城硃砂嶺分來入黃河

按邵陽縣志黃河在縣東四十里禹貢云西河水經云又經邵陽城東即此

飛浮山在縣東南四十里黃河內俗傳與水爲升沉冷水在縣西北三十里即金水河源出梁山東注于黃河

按韓城縣志黃河在縣東十里按雒陽縣志黃河在縣東十里

按華陰縣志渭水在縣北十里東流入黃河按潼關縣志黃河在城北門外潼水源自四川之梓潼流貫衛城北入黃河

按雲中郡志黃河北自東勝州來歷廢武州西北二百五十里南入太原府保德州界

金河在古雲內州東南一百五十里西流入天瑞泊又有紫河源出黑峪口有黑河源出官山俱至雲內

州歷東勝州入黃河

里水在城西北四百里古豐州界源出官山由雲內州至東勝州入黃河

兔毛河在城西二百里駱駝山流過古東勝州入黃河

金河泊在城西北五百里古東勝州境上承紫河南流入黃河

按河曲縣志黃河在縣西五里東北自東勝州入西流八十里至平泉村復南流九十里至天橋子經保德與鳳永寧等處至蒲州因折而東遶內城平陸等縣入河南

大洞河在縣南百步源出朔州西流七里入黃河關河在縣東南一百一十里源出朔州界流經偏頭關西北入黃河

鎮口河在縣西北四十五里居民引以溉田南入黃河

沙泉河在縣南六十里源出鎮西衛五所境經縣界由保德入河

石佛河在縣東南九十里接奇嵐長流溝西經保德入黃河

得馬水在縣西北四十里相傳尉遲敬德得馬于此西入黃河

平泉在縣西北八十里平地湧出居民引以溉稻有石臼水居其半汲之不竭不汲盈流三里入黃河

曲峪灘在縣西北二十五里黃河中

太子灘娘娘灘俱在縣北九十里黃河內

沾水源出樂平縣西少山之沾嶺北流十八里復折

而南名為遡流水又南入和順縣合梁榆水經遼州東七十里又南經黎城縣北九十里入黃河
朱家川發源自寧化山達橋頭村至花園村入于河
按保德州志黃河在州北一里
鴨頭川在州南九十里水由東南流出入黃河
按偏關志黃河在關西二十里
關河折西廻北復入黃河
按興縣志黃河在縣西五十里
蔚汾水在縣東一百里從嵐縣黃辛山發源經流縣南西入于黃河
嵐濟水自岢嵐州界流經縣城西北五十里入于黃河
南川水自合查山發源流經縣南五十里合蔚汾水入于黃河
按汾州府志臨縣黃河在縣西八十里由保德與縣流經縣境西界南流過永寧達孟門
湫河在縣東南二里受榆林甘泉諸水由大同破口入黃河
按寧鄉縣志黃河西經縣界為秦晉隘
按石樓縣志黃河在縣西九十里由寧鄉縣奔流至此
按永寧州志黃河在州西一百二十里由孟門折而南注隨設孟門關其險固以洪濤泛濫也
東川河在州東一百里出石窟村山下西與北川河合流入黃河
赤洪水其源出州方山廢縣東南流經州界西入黃河

按永和縣志黃河在縣西南七十里北自石樓縣至本縣南入大寧縣界
仙芝河水出仙芝谷西南流入黃河
按陽州志紫川在州西南上谷過作城大寧馬關二關入黃河
按大寧縣志黃河自太原之河曲折而南流至本縣城西七十五里馬關關控帶諸山為大寧西界之扼要南流直達孟門壺口接吉州界
義亭川源出姑射山之金剛嶺轉流而北會蔡家川至壑微左麓合忻川西入于黃河
忻川一源自東北陽州曰紫川一源自正東蒲縣者曰蒲川一源自正北曰羊求川俱于縣城東三十里匯為忻川南經翠微山麓合義亭川西流入于黃河壺口在馬關關南二十里形勢如壺黃河之水盡注于中
按吉州志黃河自寒外來經州境南流
寬靜河即鄂水由寬靜村西流五十里入于黃河
清水河在州北流經州南五十步合山澗水西入于黃河
南澗在州南西流入于黃河
按鄉寧縣志羅峪河在縣東北三十里源出高天山流至縣城東北繞城東南與鄂水合同入黃河
按河津縣志黃河在縣西一十五里北至龍門山出西南入榮河境
黃河渡在縣西一十里黃河東岸
按韓城縣志禹之導河自積石至于龍門龍門者韓北境之山也竟之時山障河流禹鑿山而堅之以通

厥流若門然門之成也山海經謂應龍相之故于門上加龍字蓋歸功于神也龍門而南距邵之陽城不百里壩多客土但遇澤水率善潰徙東潰則遺壩在西田者享其利西潰則遺壩在西賂者罹其害其幸者梁山東峙河水西向若朝若拱淑氣鍾焉哲人生焉科第叢焉國有攸賴此之神念又浮於壩也
按靈石縣志郭家溝河在韓侯嶺常山下流經魯班驢入河
按平陽府志蒲縣東大河在縣東發源于本縣之分水嶺西流七十里遶城之南經隰州界過大寧入黃河
按榮河縣志黃河在縣西遶城其流自龍門而下入蒲州
按臨晉縣志黃河在縣西三十里北至河津龍門南流榮河過本縣入蒲州至潼關折而東流春秋傳公十三年冬晉存饑乞糴于秦秦于是輸粟于晉自雍及絳相繼命之曰汎舟之役即此河也
峨眉坡在縣北五里東連猗氏間喜西至黃河
按蒲州志黃河在蒲津門外禹導河積石至于龍門經河津榮河臨晉由州過則至于華陰由芮城平陸入河南明萬曆庚辰河決東襲堽石岸以障之堅固信舊今徙去城十餘里
碼泊泉在州東南三十里歷山下東西相距二里南流者為媽北流者為泊合流入黃河
白石澗在州南一十五里韓陽西入于河
臨泉澗在州南五十里胡營南入于河
玉泉澗在州南一百二十里南張至永樂鎮灌漑田

水餘流入河

寒谷洞在州南一百里南入于河

雷澤在州西南首陽山下卽舜所漁處其水南流入河

蒲津橋在州西門外橫跨黃河卽唐明皇所製浮橋也

按解州志黃河在州之芮城縣南二十里自蒲州經縣境東注平陸縣界又自平陸縣南三里東流五十里至砥柱三門集津達于垣曲縣

按芮城縣志黃河在縣南二十里自蒲州南下至潼關東折過縣境入平陸經砥柱達孟津

按平陸縣志黃河在縣南門外又東北過古焦國側水勢激湍水經注曰河水湧起方數十丈有物居水中父老云銅翁仲所投處又云石虎載經于此沉沒二物並存水所以湧

聖人洞在縣東二十里其源至馬跑泉湧出濤洞旋遶南入于河

盤南澗在縣東十里源出中條山由石槽溝南下至盤南澗有灌溉之利入于河

三門山在縣東五十里黃河中

砥柱峯在縣南三門山東黃河中流

沙澗在縣東二十里源出中條山東南谷至沙澗入河頗爲民利

按垣曲縣志黃河在縣東南里許河九曲此爲一曲上自龍門下抵孟津狂瀾有聲水面浮泥元至正十一年河清于此

毫清河在縣郭南數武源出橫嶺山下由關店河順

流而東經郭南入黃河

按沁水縣志梅溪在縣西北三十五里梅峪溝經縣城北曲折南流與杏溪水合並至鄭莊村入河

按河南通志黃河自潼關界流入閿鄉縣境經靈寶陝州澠池新安洛陽孟津鞏縣入開封界東至虞城縣下達山東

按閿鄉縣志湖水在廢湖城西門外源出泰山遙瀝洞北入于河

卽水在縣西二十里盤豆鎮自集鄉峪北入于河

按靈寶縣志齒水在縣東二十里水經齒水出常禾經曲沃村西北流入河

按陝州志黃河自潼關流入陝境自西繞北至于砥柱東入澠池界

公主河在州東四十里三門山之左唐開元中鑿河通漕以避三門之險流百丈許復入河

馬家河在州東二十里水源自黎山流入于河

藥水在州城南一名未定澗源出藥山水漫流南入河

譙水在州南三里許源出自常末山谷西流入河

七里澗在州西南七里今名石橋溝北流入河

盤澗水在州西二十五里源出秦山北流入河

按澠池縣志黃河在縣治西北自南而北復折而東流入新安界

澗水在縣治北二十里東流經新安至洛入河

金陵澗在縣治北九十里出桓王山下北流入河

五龍潭在縣治北四十里黎山後西流入河

之北東注孟津

匡口渡在縣北六十里黃河南岸爲河之南北濟渡處居民以木柴石炭爲業明正德間設廳一所營房十二間官軍駐防今廢至嘉靖二十二年都御史富平李宗樞建城垣南北兩門俱題其額曰地限在瀾一名狂口渡

按孟津縣志黃河經新安縣鹽倉店入縣界一百二十里東流於礮水派則橫決民田水落則泥沙壅岸河爲中州患此其稱首云

清河在舊縣之南濱河地下積水成池東入於河

橫水出洛陽新安界西南二瀆中分流三里始相合至縣北五里入于河

將臺在黃河之濱周武王大會諸侯于孟津誓師于此

盟津卽孟津周武王盟諸侯于此

按懷慶府志黃河南達濟源孟溫武陟四縣故道由武陟東邸閣鎮東北流故水經注曰又東北過武德縣東沁水注之自宋熙寧間大河南徙沁水遂過武德而南矣

按濟源縣志黃河在縣南四十里自山西垣曲縣還本縣流入孟津界元世祖中統三年張文謙薦郭守敬習水利巧思絕人世祖召見面陳水利六事其一云黃河自孟州西開引少分一渠經由新舊孟州中間順河古岸下至溫縣南入大河其間亦可灌田二千餘頃

按孟縣志黃河在縣南二十里自孟津下流入鞏縣界

冶湖坂水在縣西二十里源自關家溝西北至坂南入于河

臨澗水今謂之洪澗在縣西四十里南入于河
澗水源自澗源縣至河汊合澗水南流至孟縣入于河

按溫縣志黃河在縣南舊離城二十餘里地儘宜麥
今河徙而北近城僅里許一帶村落陷為澤國

沅河在縣西二十五里即濟水也今與澗水分流至
坨塢村入于河

按武陟縣志黃河在縣南十五里由龍門歷孟津經
本縣境納沁水而東入于海

沁河源出沁州流至本縣城北由東而南入于黃河
其性善變往由舊家店東入黃河後徙由本店西南

入黃河去縣四十餘里明萬曆十八年水漲由南費
直入黃河去縣僅數里

按鞏縣志洛河在縣北洛水入河之處清濁異流亦
各什谷禹貢東過洛水即此

按汜水縣志黃河舊薄大徑激廣武一河全在汜境
禹貢東過洛水至于大徑即此今河北徙過牛口而

南直抵五龍塢踰放倉歷四十五里而達河陰矣
洛河發源於秦家嶺過成畢東至滿家溝入黃河

按河陰縣志黃河距縣北十七里許舊循李林等一
瀉而東南岸有灘地千頃蓋河民舊業也今直抵敖

山脚下決吼如雷南岸良田盡淪河北
按榮澤縣志黃河舊在縣治北十里今南侵偏近縣

城數決數治
按原武縣志黃河在縣東北二十五里東北流入陽

武縣界其地昔有黑陽山黃河經其下峰巒并峙烟
霧時興今沒於河矣

按陽武縣志黃河舊在邑北唐宋以來遷徙無常洎
明嘉靖間始徙縣南去城僅十五里兩岸皆本縣境

每逢霖雨暴漲自砥柱三門而下勢如從天而降室
廬田地歲遭淹沒

按延津縣志黃河故道在縣北二十八里明天順間
崩潰奔浪咽地沉天遷徙封丘縣于家店大水淹沒

本縣地土闔境盡為沙隸今黃河故道飛沙盡填竟
為平地

按封丘縣志黃河在縣南三十里河南北岸相去十
里水色赤水土相半故名黃河在唐虞夏商時繞封

丘以北厥後自盟津溢為梁水明洪武初河決原武
經開封北封丘南入淮為今之河道而北道遂絕後

徙開封南朱仙鎮及弘治二年乃復徙封丘縣南存
沁河溢流為二一自于家店經蘭陽歸德至徐邨人

于淮一自荆隆口黃陵岡東經曹漢入張秋運河自
古迄今其消騰遷變若此而談者輒曰復故道孰為

故道也按伊洛源流至鞏悉入于河河出圖洛出書
蓋靈氣所浮觀陰陽秘洩之數也晉成公綏賦云覽

百川之弘壯今莫尚美于黃河蓋言河冠百川為中
原巨浸也然合崑崙以于南流萬派歸于一河至汴

北勢益洶湧湍悍而孟津以下諸水皆入于河且土
性疎薄岸善崩衝決潰洶石趨足而待前代至今蓋

屢潰屢塞焉
按開封府志黃河源出崑崙西南二千里星宿海北

流塞外由山西境而南至潼關入河南境至汜水入

開封府境歷河陰榮澤鄆州原武陽武中牟祥符封
丘陳留蘭陽儀封至考城入歸德府境宋太平興國

十年河決榮澤始南徙奪汴水之道以注于淮金明
昌五年河決新鄉由太康逕陳州至潁州元末又自

通許分一支自陳州商水入南頓混潁水東流入淮
水明洪武二十四年河決原武經汴城東南至陳州

城西東南逕項城入淮永樂九年濬入故道正統十
三年又決榮陽經陳州項城入淮弘治間又北徙崇

禎十六年河決入渦河今復故道
按陳留縣志黃河在縣北五十里該管黃河二里南

堤十八里西起祥符縣解家堂東止蘭陽縣高家堂
自黃河南徙老岸頂衝孟家埠口潰決管河道徐必

達命于堤南築縷水月堤五百丈復築遙堤一千二
百丈方保無虞後知縣張重潤又于北岸濬引河一

道黃流折于新河可免南岸衝決之患
尚陽店埠口

高家埠口
邢家埠口

孟家埠口俱黃河南岸
賈臺埠口黃河北岸

黃河故道在縣南二十里洪武初自汴西杏花營分
流經縣南半坡店蜿蜒而南由手牆集東北達于通

許今淤
按蘭陽縣志黃道變遷不一非禹之故道久矣元至

正十一年修賈魯河故道在縣治北四十里明洪武
二十四年河分為二經開封府城北五里又南行其

故道今淤在縣北二十里舊傳遇水漲時舟楫可達

張秋正統十三年河徙開封府城之西南自是不在蘭陽境至弘治二年河徙汴梁東北過沁水溢流爲

二其一自祥符于家莊過縣南三里東北至徐邨入

淮至弘治四年河北徙決縣城其道在今縣北十里

至正德五年河水圍縣城隄幾潰至嘉靖七年開

趙皮寨口達寧陵其道在今縣北三里至嘉靖二十

二年開李景高口下達丁家道口至徐人淮其道在

今縣北十里至天啓三年開曹良口以東潘家莊後

東至儀封界支河引水以固隄防在今縣東北二十

里至崇禎末流寇決河灌汴城河正道水涸如陸今

復徙縣城之北二十里

張度口渡即趙皮寨在縣西北二十里

耿金口渡在縣東北三十里

王憲口渡即曹良口在縣東北二十里

銅瓦廂口在縣西北十五里

按長垣縣志黃河在縣南六十里

按東明縣志黃河原在縣南十里書于口後徙杜勝

集南關外去縣六十里許

按儀封縣志黃河在縣北十二里由蘭陽李景高口

東經考城張裕夫口達于徐呂二洪

南舊黃河在縣西南三里許

北舊黃河在縣東北五十里即黃陵岡河

按考城縣志黃河自成化間逼近城邑居民震恐弘

治初徙縣南五里許又徙縣西南十二里正德五年

徙縣東北三十里爲梁靖口又徙縣北十五里爲范

壽口八年徙縣北僅八里許每遇夏秋水發崩潰決

裂平地之餘潰沒田禾衝蕩廬舍難以數計是河之

爲患莫甚于考城者也

按睢州志黃河故道在州東十八里

按虞城縣志黃河在縣北十五里

按鹿邑縣志黃河故道在縣北二十里乃黃河南徙

由通達淮之道也其上流恆視決口所在衝決奔會

靡有常處自朱仙鎮流者逕睢州東南逕匡城又東

南逕長沮集分爲二其一南流逕柘城南東南邊梁

公墓南又逕漏澤園南至蠶姑廟入磚橋其一由長

沮墓北東流逕牛關城南至杜都諫墓東而南歷

通宋津梁二橋至蠶姑廟入磚橋自祥符白墓子岡

流者逕通許太康合馬廠過河枝流東逕心閣寺又

逕柘城西南分爲二俱東流逕柘城東南至蠶姑廟

併入磚橋及磚橋合受四水東流至賈家灘又東南

入兩河口合鹿邑過水始由毫達淮自磚橋以東皆

鹿邑境也合受四水以達于毫

按山東通志山東臨黃河地方上自河南考城縣起

下至江南揚州縣界止共長二百里河口則有曹縣

之武家口蔚那口曹家口周王口王李口劉家口李

家口單縣之范西灣口范東灣口王埠口王家樓口

孔家口臨河地方則有曹縣河北岸之塔兒灣臨廟

集牛屯銅姑廟侯家壩趙家集傅家集清涼寺

楊劉口望魯集黑垌店梁家樓石香爐曹集孫家

樓毛王寨高莊集單縣河北岸之騰龍寺石家樓鄭

家樓孟家樓黃二莊孔家樓

按兗州府志黃河正道自河南考城而東至于曹縣

入境縣在河北七十里又東至于城武縣縣在河北

五十里又東至于單縣縣在河北三十餘里又東至

于豐縣入江南境刻其隄岸于左

舊老隄自東明白茅村起至曹縣遙月隄止長八十

八里每二里爲一鋪隄鋪四十四座俱屬曹縣

太行隄在舊老隄之內自魏家灣起至城武縣隄界

止長六十二里每二里爲一鋪隄鋪三十一座屬曹

縣又自城武縣隄界起至雙壩集止長三十八里每

二里爲一鋪隄鋪十九座屬城武縣

隄隄在太行隄之內自曹縣遙月隄起至單縣隄界

止長四十九里每二里爲一鋪隄鋪二十三座屬曹

縣又自單縣隄界起至礪山縣隄界止長五十八里

屬單縣

南長隄自焦家壩起至羅家壩隄界止長八十里每

三里爲一鋪隄鋪二十七座屬曹縣又自羅家壩起

東至豐縣隄界止長七十里每三里爲一鋪隄鋪二

十三座屬單縣

裏河隄自王經莊起至考城縣隄界止長三十里又

自李居莊起至曹家集官廳止長二十里每二里爲

一鋪隄鋪二十五座

遙月隄在舊老隄之東長十七里每二里半爲一鋪

隄鋪七座俱屬曹縣

月隄十有三日孔宣莊月隄長十七里日娘娘廟壩

月隄長一里有奇日龍王廟月隄長二里有奇日馮

植莊月隄長四里有奇日孫家道口月隄長四里有

奇日牛市屯月隄長七里日曹家集東月隄長三十

里有奇日劉蒲莊月隄長三里日清涼寺月隄長三十

里有奇日汪家廠月隄長六里有奇日呂家廠月隄

長五里有奇日禹王廟月隄長六里有奇日紀家店

廢隄長六里有奇皆屬曹縣

塢十有四曰武家塢曰馬家塢曰孫頂塢曰趙璇塢曰董家塢曰崔家塢曰焦家塢曰陳士康塢曰新月塢曰榮家塢曰王家塢曰曲家塢曰高家塢曰解家塢皆屬曹縣

距河二十餘里有舊老隄北大隄屹如巨防古人不能與水爭尺寸利故隄防若此後世居民嗜水之利而忘其害濱河而居奄忽被溺識者憫之於是當河之衝築土而培之謂之月隄于河甚迫于勢甚危懼其決也于是又繞其外培土以防之有裏河隄有後水隄隄有鋪鋪有夫司守猶懼其決也又有南長隄其鋪夫一如後水之制長隄之外然後舊老隄北大隄在焉蓋距河雖遠而隄防甚固矣記謂善防者水淫之淫液下流隄防弗壞民獲宅土之安消無衝突之患隄之不可已也如此夫

黃河北決故道由儀封縣而北入曹縣境縣在黃河故道東若千里應管河南自儀封北至定陶長四十里自黃陵岡築成水循正河此道淤塞黃河故道至縣境分而爲二其別爲賈魯河

賈魯河昔元時所開道也在縣西南西起黃陵岡東至陽青村長若干里黃河自金龍口北決至此分一支東流入徐州小浮橋其一東北入曹州境

由曹縣而北入定陶縣境縣在黃河故道東二十五里應管河南自曹縣夏侯渡北至曹州程義渡長十九里今河歸正流此道俱塞由定陶而北左爲曹州境州在黃河故道西岸五里應管河南自定陶北至鄆城紅船口長一百二十里其名爲雙河口

雙河口一日濰河黃河自曹縣入境至州城東折而北流分爲二支其一支入于曹澤其一支入于鄆城謂之雙河口黃陵岡既塞涸枯不常雙河口水又東南流爲牛頭河經嘉祥濟寧至魚臺塌場口入濰是南北決道皆于州境而分也

由定陶而北右爲鉅野縣境縣在黃河故道東八十里應管河南自曹州寶珠寺北至曹州于家口長十二里其名爲安興墓古河

安興墓河亦黃河支流也由曹州入境逕城西北又東入于張秋舊爲估人往來之地張秋決塞此渠不通

由曹州而北入鄆城縣境縣在黃河故道東三十餘里應管河南自曹州沈家口北至壽張黑虎廟長一百九十七里其名爲西裏河

西裏河即濰河下流也雙河口之水既分而二其一支至縣西南紅船口入境流逕縣西北四十里出水堡北爲五岔河口受冷莊河水北流其一支出于雷澤至白家河入境遶金龍王廟後逕縣西北折而東流又分其一爲冷莊河西北流逕古廩丘城至五岔河口入于濰河

由鄆城而北入壽張縣境縣在黃河故道西北二十五里應管河南自鄆城之王亮口北至東平之魚護口長三十里其名爲范城河又爲土河

范城河在縣南十八里由鄆城來至縣境黑虎廟逕故范城東至張秋南沙灣衝溝東決

土河在縣南十里洪武二十四年河決陽武之黑洋山由范縣入境東流入于張秋每夏秋水盛猶可通

舟

由壽張而北爲東平州境州在黃河故道東七十里西南自壽張之范城淺東北至陽穀之高吾淺長五里其別爲金線關支流

金線關河在戴家廟弘治中建洩漕渠之水由西旺入大清關上有橋曰三洞橋屬壽張境蓋古濟水道也

由東平而北爲陽穀縣境縣在黃河故道西北六十里應管河南自東平魚護口長六十里由陽穀而東北爲東阿縣境縣在運河東岸河決張秋沙溝橫衝漕渠而東其名爲小鹽河縣境之北又有古黃河道

小鹽河在張秋東岸古之馬頰故道也馬頰濟之支津水經註曰濟水至壽張分爲二水其支津西北出謂之馬頰馬頰水首受濟西北流歷安民山北又逕桃城東東阿桃丘也又東北逕魚山南東注于濟謂之馬頰口又曰濟水至魚山南左與馬頰水合今小鹽河龍家口在魚山南入大清河是地也正統弘治之間河決張秋皆由小鹽河流入大清河張秋東隄既塞其地湧泉如線南流數百步匯而爲湖方數十畝謂之黑龍潭通政韓公築山其上命曰戊己隄黑龍潭之水絕之于渠其稍東出由大洪口故道東流至陳琦口受五空橋水北流至關山又東流至魚山南入于大清河其水涵漫散濟平時不通舟楫雨水泛漲則魚山鹽舟稍上至于張秋不能上則至魚山而止故謂之小鹽河按宋河渠志沿河州郡各于要害下埽鄆州有六埽關山子路張秋居其三此三埽者

皆小鹽河所經則小鹽河固未特河道也又按元時海運之法自任城會源開導汶水北流入清濟故濱由東阿舊城至于利津入海已以海口沙壅江淮糧運皆至東阿起陸運至臨清下御漳北上則小鹽河固元時運道也正統河決潰沙灣東隄由大清河入海弘治河決潰張秋東堤由大清河入海皆于小鹽河假道則小鹽河近代決口也河決既塞資以洩運渠之水屬之大清矣

古黃河道舊在縣北四十里從西南陽穀界中逕銅城之南由清冷口東北過楊劉之南入于長清界內考之水經河水自范縣東北流逕東阿縣故城西歷礪礪崔山臨邑之境東北流注臨邑礪礪皆在今長青平陰界上所謂東阿故城者即今阿城關也自宋以前河在今邑之北楊劉為津口其後周顯德中河決楊劉離而為赤河不復故道其溢者注梁山泊東入于淮鄆州部界凡為六塘以防其決其在邑境者有關山子路二塘皆在此小鹽河之側其後河水又合永濟渠北入于冀仁宗至和元年議者欲復故道遣使行度諸銅城海口約其高下之勢蓋欲返之使東而歐陽修以為非便因罷不修而楊劉之河絕銅城海口即今清冷口也明朝河決張秋由小鹽河灌大清河入海蓋猶與故道不相遠矣

黃河南決故道由曹縣而東為武縣境有支河三道一在縣南二里一在縣南二十里達于單縣一在縣北四十里達于金鄉正德十三年河決霍家口城武城壤由城武而東為金鄉縣境有黃母河故道

黃母河古黃河道也在城北三十五里元時河遷豐沛故渠遂遷

由定陶而北為鉅野縣境有八里河故道

八里河亦黃河南道也從定陶入境匯為天鵝坡又北為稻槽坡又東為雙碑坡又東為蘇草坡又東由北門外匯為蓮花池至城東八里入于新河遂受今名又東至于嘉祥入于漕城久河塞雨潦為害嘉祥濟寧不肯疏導鉅野之民病之

由鉅野而東為嘉祥縣境有塔章河故道

塔章河亦黃河故道也在城北十里西接郛城東入濟寧出塔章口故名

由嘉祥而東南為魚臺縣境有塌場口故道塌場口即廣運閣下流也黃陵岡決既塞黃河由曹州雙河口東流經嘉祥鉅野魚臺至塌場口入清嘉靖九年河決上流分為三支一自單縣曹馬集來經城南入泥河達漕一自金鄉南來過丞相里經塌場口入漕今河南徒其流俱涸按塔章塌場字音相類恐即一口

按曹縣志黃河自崑崙歷龍門山東來源遠難悉據舊志自五代以還決鄭州及原武經流封丘于家店祥符削陞口陳橋北過蘭陽儀封入曹境分為二其一東南流至徐州入泗其一東北流合會通河此故河道也弘治間塞東北一支直經儀封歷考城入縣境逕縣城東南流入單縣境長八十餘里今行漕之河是也

古黃河在縣西北八十里自河南衛輝府界流入境分為二派一東南流至徐州入泗一東北流壽張縣

沙灣入會通河又定陶縣北五十里亦有黃河支流東注濟寧以達淮海其流今皆淤塞矣

黃水即黃河支流自開封府流至曹縣界分為二派其一東南流至徐州入泗其一東北流入會通河

按定陶縣志黃河故道在縣北五十里東流入濟今塞

按城武縣志黃河故道一在縣南二里一在縣南二十里達于單縣一在縣北四十里達于金鄉皆黃河支瀆也

按單縣志黃河在縣南二十里自曹縣入境東流至豐縣綿互七十餘里有長堤河之南為歸德府界

按金鄉縣志黃河故道即黃母河在縣城北三十五里

按鉅野縣志黃河北道即安興墓河西南通汴東北接張秋入運今塞

黃河南道即城東八里河由定陶來入西南境匯天鵝稻諸泊曲由縣北門外潞為蓮花池蓮花池者舊蒲池花開拉帶人以爲瑞亦一奇也又折而東至城東八里入于新河由嘉祥入運

按嘉祥縣志黃河故道在縣北十里自鉅野入境東達濟寧界入塌場口北有古堤方輿志云馬頰河經于鄆濟疑即此河

澹臺河在城南三里經澹臺山下亦黃河支流也西自鉅野入境東流入蓮花池蓮花池在城南四里長可三里廣里許其水清冬夏不涸雨潦時至澹臺河水注焉雨止則塞

按濟寧州志牛頭河在州城西二十里漕河南岸即

耐半坡上自水通開洩出漕渠之水至魚臺場口入運蓋黃河故道也

按濮州志古黃河在州東南二十里合瓠子河東北流入于會通河

新黃河在州東南三十里正統十三年河決于萊澤東黑陽山由蒲經濰四十餘里合古黃河故道北入會通河決于沙灣水入兗濟遂會運道以東公私告

困于是詔發東昌兗州夫榮堤以障運道仍通

按曹州志黃河故道在州南三十里即金龍口決道也自縣來分流一支西南入境由離河故道流至州城東北可三里許分而為二謂之雙河其一入于雷澤其一北過新集又北流至壽張沙灣入運

按壽張縣志黃河故道即范城河在縣南一十八里由黃陵岡決而東流至縣境黑虎廟又東至沙灣入運

按東阿縣志黃河故道此水經故道也在城西四十里從陽穀來入境過銅城南又東北過清冷口又東北過楊劉南楊劉者五代時河上大鎮也又東北入于長清

按魚臺縣志黃河故道舊自曹州雙流口經嘉祥鉅野出縣境場口入運明嘉靖九年河決上流分為三支一自單縣來經縣城南由荷河泥河入運一自單縣來經縣城西又過城北由穀亭入運一自金鄉南來至縣境場口入運場口者南陽下流也其旁曰釣魚磯謂之小場場口

按德州志舊黃河在州東南二十餘里今謂之黃河庄自德州適平原陵縣德平皆由之水經云大河故

道又東運平原縣故城西而北絕屯氏三濱北運繹幕縣故城東北西北流運平原縣故城西又北運修縣故城東又北運安陵縣西又云河水又北運平原縣故城東又云河水自平原左運安德城東而北為鹿角津史記秦始皇東遊海上西至平原津而病韓信渡平原襲齊歷下軍皆當在德州境上今為枯澗矣

按江南通志鳳陽府黃河自西北來一支通潁金之季年河決太康自潁州西北陳州界入州境東南流經州城北元末又自通許分派一支入渦河一支自陳州商水入南頓混源水東流項城趙家渡入州境明正統三年復徙于鹿邑舊黃河流遂絕成化末年黃河一支復通于項矣

按揚州縣志黃河繞縣城西北五十里過東北二十里

按徐州志黃河源出上番桑甘思西部踰崑崙抵積石萬里而入中國又數千里入河南與沁汴或分或合明初分六道出榮陽者至壽入淮出祥符者至懷遠入淮出長垣者至陽穀入漕出歸德者至宿遷入漕出儀封者由新集趙家園經蕭北至徐小浮橋入漕此河流經徐之始也

汴河在州北三里自漢水河入于汴亦名黃河呂梁洪在州城東南五十餘里其長凡七里孔子觀于呂梁縣水見丈人陳大建中經略淮北大破齊師千呂梁後周將王軌破吳明徹于呂梁並此晉謝元既收符堅率眾次彭城平允州用督護聞人爽謀堰呂梁水以利漕運有懸水村唐尉遲恭著疏鑿以殺

其勢有尉城遺址有呂梁堰

按睢寧縣志黃河在縣西北五十里上自鯉魚山下至小河口環遶泛濫雖入世受其害

濰水西自靈璧東入睢寧界歷孟山灌郡以至子仙鎮余家渡蜿蜒五十餘里直趨縣治西經壩頭北過廟灣再東則抵高作歇車而盡于小河口入黃河至天啓二年黃河衝決水泛沙積復成平陸

合湖在縣西北七十里合沂水南入黃河故名

按邳州志黃河在舊城南自彭城歷呂梁由睢寧界上至五工頭迤東始入邳境流四十里接旱河抵宿遷縣境

直河即黃河也去城一百二十里有古設巡檢司今衝沒無跡

黃河北岸大堤一道上自羊山起下至直河宿遷交界止共六十里

按宿遷縣志運河在治西二十步清汶沂泗諸水合流自直河入境經流小河以會黃河自古城入桃源縣界

泗河源自山東過徐州東流合會通河至縣境入黃河

按桃源縣志黃河在治北一百十餘步原自山東出淮入海徐邵泗水之下流

黃嶺新河萬曆二十四年分黃導淮開挑自三義鎮上起由毛家溝等處達灌口下海

靈城湖在治西北三十五里其水泛溢于河倉基湖在治南七里積水四時不涸水溢通新河曲折東流五里會丁家溝達河入淮

方輿彙編山川典第二百二十二卷河部

二三八九七

白洋河在治西六十里上通汴河下達黃河東屬桃源鎮西屬宿遷

赤鯉湖在治北七十里通連水入于河

按清河縣志黃河四潰之一原經天津衛北入海後南潰留城超徐邳亂洗沂直下從三汭河東南小清河合于淮以趨海

淮河四潰之一自盱眙龜山東北流經縣治東南三里溝故平江伯所鑿道分入通濟關以接漕運其委乃經甘羅城北合黃河入海

按山陽縣志黃河自汴城至徐州經邳宿桃源三義鎮入口由毛家溝抵清河縣後謂之大河口會淮流

過魚溝達安東下雲梯關入海謂之老黃河嘉靖初年三義口塞南從清河縣前亦與淮合謂之小清口

經清江浦至草灣轉西南過淮安新城北達安東萬曆四年開草灣河成分爲兩道各四十餘里復合過安東總下雲梯關入海

馬運港在縣治東北九十里通淮鹽運今黃淮合流經此乃成大河

清江浦在縣治西北三十里原南北商貨皆從城西車盤而過自故沙河以上開運後凡貨船悉由清江過壩裏之運河外之黃淮河千艘叢聚僧埠壩集兩岸沿堤居民數萬戶爲水陸之康莊冠蓋之孔道關之沃區云

草灣在郡新城東北二十里離清江浦東南十三里離安東縣六十里人烟湊集柴艘聚屯鹽船從此過壩後黃河衝決沙淤成灘與草灣遠去半里餘淤灘高廣遷住者百餘戶人烟開集遂名此地爲新草灣

前者舊草灣接淮之上流至清河口間與泗交匯而受黃河之全注東趨而南下繞新城之東俗呼外河在城西之運河一帶俗呼裏河也外或潦水泛漲輒倒灌乎三城而草灣地卑屢遭潰決則安東縣治當其下流更可慮焉草灣之開分殺黃流入顏家河但初開時止分其半半仍故道舟楫仍通禮信方五壩等處生意繁集其後草灣南灘水緩淤積通水東北盡歸草灣而故道殘斷流裝載淺梗鹽運阻遲近年如米薪諸物必沂清江浦盤壩從裏河以達城西途紆倍湧及論風水則黃河在三城之北自西而東右水左繞水纏元武合局計斯二者以黃仍故道爲便若論三城利病則因勢順導郭寶安昔有欲經理黃河之說者而必務疏通因隄岸良確見也

河部彙考七

陶唐氏

帝堯沉璧于河

按史記五帝本紀不載 按尚書中侯堯沉璧于河白雲起迴風搖落

舜居攝時祭河濱

按書經虞書舜典望于山川九州名山大川五岳四瀆之屬皆一時望祭之 釋水云江河淮濟爲四瀆

夏

帝亡元年壬申帝即位以元珪賓于河

按史記夏本紀不載 按竹書紀年云云

周

周制祭河禮視諸侯

按禮記王制天子祭天下名山大川四瀆視諸侯

成王十八年有事于河

按史記周本紀不載 按竹書紀年周成王十八年春正月王如洛邑定鼎鳳凰見遂有事于河

武王沒成王少周公旦攝政七年制禮作樂神鳥鳳凰見

箕英生乃與成王觀于河洛沈璧禮畢王退俟至于

日昃榮光並出赫河青雲浮至青龍臨壇銜元甲之

圖坐之而去

夷王二年蜀人呂人來獻瓊玉賓于河用介珪

按史記周本紀不載 按竹書紀年云云

秦

始皇并天下定祀河濱于臨晉

按史記秦本紀不載 按封禪書秦并天下令祠官所常奉天地名山大川鬼神可得而序也自華

以西水曰河祠臨晉春秋汴泗濤濤資如東方名山川

而牲牛犢羊具珪幣各異其河加有嘗醴車一乘騶

駒四

漢

文帝

年臨河欲祠出周鼎

按史記文帝本紀不載 按封禪書趙人新垣平言

曰周鼎亡在泗水中今河溢通泗臣望東北汾陰直

有金寶氣意周鼎共出乎兆見不迎則不至于是上

使使治廟汾陰南臨河欲祠出周鼎

文帝十五年修河清祀加玉

按漢書文帝本紀十五年夏四月修名山山大川嘗祀而經者有司歲時致禮按郊祀志始名山山大川在諸侯侯視各自奉祠天子官不領及齊淮南國廢令太祝盡以歲時致禮如故明年以歲比春河決漢水玉加各二及諸祀皆廣壇場珪幣俎豆以差加之武帝建元元年詔修河清祠

按漢書武帝本紀建元元年夏五月詔曰河海潤千里其令祠官修山川之祠爲歲事曲加禮元封二年至瓠子親視塞河

按史記漢武帝本紀天子禱萬里沙過祠泰山還至瓠子自臨塞決河畱二日沈祠而去使二卿將卒塞決河河徙二渠復禹之故蹟焉

按漢書武帝本紀元封二年夏四月至瓠子臨決河命從臣將軍以下皆負薪塞河隄作瓠子歌

宣帝神爵元年定以一歲五祠河清

按漢書宣帝本紀不載按郊祀志神爵元年制詔

太常夫江海百川之大者也今闕焉無祀其令祀官以禮爲歲事以四時祠江海雒水祈爲天下豐年焉自是五嶽四瀆皆有常禮河于臨晉使者持節特祠歲五祠

後漢

明帝永平十三年巡行河渠詔祭河神

按後漢書明帝本紀永平十三年夏四月辛巳巡行河渠乙酉詔曰自汴渠決敗六十餘歲加頃年以來雨水不時汴流東侵日月益甚水門故處皆在河中

游廣廣溢莫測圻岸蕩蕩極望不知綱紀今竟豫之人多被水患乃云縣官不先人急好與他役又或以爲河流入汴幽冀蒙利故曰左隄強則右隄傷左右俱疆則下方傷宜任水勢所之使人隨高而處公家息壅塞之費百姓無陷溺之患議者不同南北異論朕不知所從久而不決今既築隄理渠絕水立門河汴分流復其舊迹陶丘之北漸就壤墳故爲鼎玉潔牲以禮河神東過洛納數禹之績今五土之宜反其正色瀆渠下田賦與貧人無令豪右得固其利庶繼世宗瓠子之作因遂渡河登太行進幸上黨王寅車駕還宮

北魏
太祖乾化元年北巡告祭于孟津之望祠
按魏書太祖本紀乾化元年迴次孟州命散騎常侍孫騰右諫議大夫張紇光祿卿李翼各齋香合祝版告祭于孟津之望祠
太宗泰常三年詔立河瀆廟于桑乾水陰
按魏書太宗本紀不載按禮志泰常三年立五嶽四瀆廟于桑乾水之陰春秋遺有司祭有牲及幣四瀆唯以牲牛準古望秩云
世祖太平眞君十一年南征祭河
按魏書世祖本紀不載按禮志十一年十一月世祖南征還恆山祀以太牢浮河清祀以太牢

唐

元宗開元十四年定祭河于同州及祭河祝文
按唐書元宗本紀不載按禮志五嶽四瀆歲一祭各以五郊迎氣日祭之祭西海及河于同州

按開元禮諸嶽鎮海瀆每年一祭各以五郊迎氣日祭之祭西瀆大河云唯神上通雲漢光啓圖書分導九枝旁潤千里素秋戒序用率典常

天寶三載四月詔令光祿少卿彭果祭河瀆
按唐書元宗本紀不載按開府元龜云云

天寶六載封河瀆爲公
按唐書元宗本紀不載按舊唐書元宗本紀六載正月詔五嶽既已封王四瀆當昇公位封河瀆爲靈源公

按開府元龜六載正月戊子親祀南郊遂祀皇地祇詔河瀆封靈源公仍令所司擇日差使告祭
天寶八載九月詔尚書右丞李通遷祭河瀆
按唐書元宗本紀不載按開府元龜云云

天寶十載遣使祭河瀆
按唐書元宗本紀不載按開府元龜十載正月甲子有事于南郊大赦天下二月己亥遣京兆少尹韋嘗祭河瀆靈源公取三月十七日庚子致祭

宋
太祖乾德六年定祭河瀆于河中府
按宋史太祖本紀不載按圖書編宋初尚緣舊制乾德六年有司言祠官所奉止四嶽今按祭典請祭西海河瀆並於河中府

太宗太平興國八年河決滑州遣使致祭
按宋史太宗本紀不載按禮志太平興國八年河決滑州遣樞密直學士張齊賢詣白馬津以一太牢沈祠加璧自是凡河決益修塞皆致祭

淳化二年定河瀆祭日及祭所

按宋史太宗本紀不載 按禮志秘書監李至言按五郊迎氣之日皆祭逐方嶽鎮海濱自兵亂後有不在封域者遂闕其祭國家克復四方間雖奉詔特祭未著常祀望運舊體就迎氣日各祭于所隸之州長吏以次爲獻官其後立秋祀西海河濱並于河中府西海就河濱廟望祭

眞宗景德三年祭河濱立祠于澶州

按宋史眞宗本紀不載 按玉海景德三年七月以汴口復通祭河濱十二月己卯詔澶州于河南置嶽濱廟初帝幸澶淵大河不冰敵見若陰兵助戰故立祠

大中祥符元年三祭河濱加封爲公

按宋史眞宗本紀大中祥符元年十一月辛未幸河濱廟加封爲公 按禮志眞宗封禪畢車駕次澶州祭河濱廟詔進號顯聖靈源公遣右諫議大夫薛映詣河中府比部員外郎丁願言詣澶州祭告車駕至潼關遣官祀西嶽及河濱並用太牢備三獻禮還至河中親詣寶河濱廟及西海望祭壇

大中祥符二年夏五月陝西旱遣使禱太平宮后土西嶽河濱諸祠

按宋史眞宗本紀云云

大中祥符四年駕大河中祀河濱

按宋史眞宗本紀不載 按玉海大中祥符四年二月壬子駕出潼關遣使祀西嶽大河中丙辰祀河濱並太牢三獻甲子親詣河濱廟西海望祭壇

天禧四年詔祀河神增諸星五十位

按宋史眞宗本紀不載 按禮志天禧四年從靈臺

耶皇甫融請凡修河致祭增龍神及尾宿天江天記天社等諸星在天河內者凡五十位

仁宗康定元年封河濱爲王

按宋史仁宗本紀不載 按禮志康定元年詔封河濱爲顯聖靈源王

康定二年遣使祭河濱及靈津廟又遣使往澶州祭

謝

按宋史仁宗本紀不載 按禮志康定二年三月以黃河水勢甚淺致分流入汴未能通濟遣使祭河濱及靈津廟又澶州曹村埽方開減水直河而水自流通遣使祭謝後修塞禮同

皇祐四年詔汴口祭河兼祀天河諸星

按宋史仁宗本紀不載 按禮志皇祐四年以靈臺郎王大明言汴口祭河兼祀箕斗奎與東井天津天江咸池積水天淵天潢水位水府四瀆九坎天船王良羅堰等十七星在天河內者

金

世宗大定四年命望祭河濱

按金史世宗本紀大定四年六月庚午初定祭五嶽四瀆禮 按禮志四年禮官言岳鎮海濱當以五郊迎氣日祭之詔依典禮以四立土王日就本廟致祭

其在他界者遙祀立秋日望祭西海西瀆于河中府其封爵並仍唐宋之舊

大定十七年始以仲春祀黃河神

按金史世宗本紀不載 按禮志大定十七年都水

監言陽武上堽黃河神聖后廟互依唐仲春祭五龍祠故事

大定二十七年加河神聖后封號及廟額遣官致祭 按金史世宗本紀不載 按禮志大定二十七年春正月尚書省言鄭州河陰縣聖后廟前代河水爲患屢禱有應書加封號廟額今因禱祈河遂安流乞加褒贈上從其請特加號曰昭應順濟聖后廟曰靈德善利之廟每歲委本縣長官春秋致祭如今

章宗明昌 年封河濱爲王

按金史章宗本紀不載 按禮志明昌間從沂山道士楊道全請封河爲顯聖靈源王每歲遣使奉御署祝版食糈乘驛詣所在率郡邑長貳官行事

宣宗貞祐三年十一月壬申遣參知政事侯摯祭河神于宜村

按金史宣宗本紀云云

元 世祖中統二年定以河濱爲西道每致祭遣使二人 按元史世宗本紀中統二年秋七月乙丑遣使持香幣祀嶽瀆 按祭祀志岳鎮海濱代祀自中統二年始凡十有九處分五道河濱爲西道遣使二人出靈書給驛以行

至元三年定以立秋日遙祭河濱

按元史世祖本紀至元三年秋七月甲午遣使祀五嶽四瀆 按祭祀志至元三年夏四月定歲祀嶽鎮海濱之制七月立秋日遙祭西海大河于河中府界祀官以所在守土官爲之既有江南乃罷遙祭

至元十三年立河濱廟遣使代祭

按元史世祖本紀至元十三年二月立河濱廟于河中解州洪洞趙城命怯薛丹察罕不花侍儀副使關

恩義慎人李德和代祀嶽瀆

至元二十八年加河瀆封號

按元史世祖本紀至元二十八年二月己卯遣官

持香詣中嶽南海淮瀆致禱丁酉詔加嶽瀆四海封

號各遣官詣祠祭告 按祭祀志二十八年春二月

加封河瀆靈源弘濟王

順帝至正九年遣御史中丞李獻代祀河瀆

按元史順帝本紀云云

至正二十一年十一月黃河清命程徐祀之

按元史順帝本紀至正二十一年十一月戊辰黃河

自平陸三門積下至孟津五百餘里皆清凡七日命

竊書少監程徐祀之

至正 年勅建蒲州河瀆廟

按元史順帝本紀不載 按蒲州志河瀆神廟在州

城南自宋金已有元至正間勅建

明

太祖洪武三年正河瀆稱號

按春明夢餘錄三年夏六月始正嶽鎮海瀆及各城

隍稱號河瀆稱西瀆大河之神

洪武七年定祭河瀆於山西蒲州

按明會典洪武七年定河瀆于山西蒲州祭又令春

秋仲月上旬擇日祭

英宗正統十二年勅修河瀆廟

按蒲州志正統十二年知州張廉奉勅修河瀆廟

世宗嘉靖十八年南巡過榮澤縣祭河神

按明會典嘉靖十八年南巡經過處所具定望祭北

嶽恆山之神用牛犢羊豕上具常服行禮如常儀五

府九卿巡撫大臣吉服陪拜榮澤祭河神俱用太牢

行禮如北嶽俱翰林院撰祭文

神宗萬曆二年勅修河瀆廟

按蒲州志萬曆二年知州陳以朝奉勅增修

河部彙考八

皇清

順治三年

大清會典凡河神順治三年題准特封黃河神為顯

佑通濟金龍四大王之神運河神為延休顯應

分水龍王之神令河道總督致祭祭文內院撰

給祭品地方官備辦

順治八年

大清會典順治八年以親政遣官祭告嶽鎮海瀆是

年恭上

昭聖慈壽皇太后尊號遣祭告歷代陵寢先師闕里等

七處一差山西祭河瀆

康熙二十三年

大清會典康熙二十三年

皇上東巡遣官致祭河神祝文由內閣撰擬發太常

寺用白紙糊版黃紙鑲邊墨書所用供品禮神

制帛一白色圓降真柱香一炷黃連香一助由

太常寺預備羊一豕一蓬十豆十蒿二簋二白

磁爵三酒一尊燭臺三對由地方官備辦行禮

儀注與祭火神廟同祝文維康熙 年歲

次 月 日

皇帝遣官致祭于金龍四大王之神曰惟神忠心貫

日正氣凌霄冀節屋之專居功襄平土挽銀河

之激浪力奏安瀾三月春流無恙桃花之水千

官扈蹕莫愁孤子之宮朕念蒼赤之艱難歷黃

淮而巡省萬艘飛輓咸有藉於神庥九曲澄波

實遠資大明德凡此平成之效盡邀默運之靈

特遣從官吉爾用享惟神來格尚其猷鑒

欽定古今圖書集成方輿彙編山川典

第二百二十三卷目錄

河部總論一

程大昌禹貢論

圖書編 治河總論 治河大要 治河考 治河總論 治河考 治河總論 治河考

山川典第二百二十三卷

河部總論一

程大昌禹貢論

大河論一

河自洛納以上行乎地中他水反來注之故未嘗有所汎逆而經所書積石龍門華陰底柱孟津洛納互古今可考自成阜以下堤岸高於平地故在古已嘗溢為榮澤播為九派而其迹道不主一地矣逮及後世決留流徙至不勝載而津演悉變古始於是自大任以至洛水大陸說者甚多以其說而揆之則河道經文悉不附協不待至九河而始紛紛難究也然尚有可考者類經指著明可主之以為宗本焉爾經之敘河既至洛納乃又曰東至于大任北過洛水至于大陸又北播為九河同為逆河入于海其大序方面嚴整有倫故可酌理以究世傳之信否也張揖以大任為成阜而薛瓌不以為然曰大任當在汲郡之黎陽不當在河南之成阜是二說者黎陽之暨成阜俱不以大任為名而臣得以瓌說為是者經之於河方

其自北而東嘗即底柱以記折東之始今其流東已久垂欲折北亦當以地之極東者記之參揣其敘則黎陽實為極東而成阜則為太早也是故當以薛氏之言為正也若夫洛水則說者益多惟具河冀之問有演而枯古名為絳與河近諸儒多以應經然經曰北過洛水則必河水折北而經其地禹迹乃得過之今具冀之間枯絳皆背南向北而漢以後大河反在魏貝之南若以漢河為禹河則禹之施功于河無由遍歷其地鄭康成固已疑之於是因淇水之自衛注河也順飾其水以應古澤已而不自以為安則又以館陶屯氏河當之鄭道元開淇貝不用而主屯河之說其言曰地理志絳水發源屯河及至信都復見絳名河之過洛當應此矣是說也鄭實無以得絳水之真遂率合以信其說然考地理志首受屯河而未流入漳者自名張甲河元非絳也雖中間迹頗嘗穿絡絳絳而漢志本無絳水之名則鄭之更易他水為絳以應古語其與鄭氏之誤會無以異也至於大陸尤為散漫地理志鉅鹿郡鉅鹿縣北有大陸澤後世率祖此以為經之大陸然漢鉅鹿縣唐邢州之平鄉縣地也今河既不經邢又其地反在絳絳上流則與經之先過洛而後至大陸者不同始又不可據之以為經証雖孔穎達輩極為詳博而不能究求其當則亦以世遠載籍斷闕無所據以極其詳密焉爾今去古日益遠禹迹之在名山大川者其稱謂位置轉徙益多而臣乃欲究極其變以發明經文本旨實所不量然考古談經正業儒者之職若人人畏之不言則古典何賴故卒究之

大河論二

以臣愚見周定王時河徙故漢元光又改向頓丘東南流則漢河既非禹河而世儒乃欲即漢河而求禹河所經曰此當為洛水此當為大陸即鄭氏鄭氏可謂博洽而洛水屯河之類皆追末失本不足以得古事之真他人何望哉臣為此故先與之辨別漢河禹河所據之地所奠之方然後即其位置以案求禹河所歷則夫洛水大陸或有所宿矣遷固二子同言禹釀二渠其一北行乘高者明載禹貢道河本語知其正為禹河矣而餘之一渠乃皆不言何向孟康鄭道元輩相因皆以漯川命之且謂在漢魏之世不枯而流者是為漯川其空涸無水者是為王莽河漯川者亦非頓丘改流正逕特以漯在禹時嘗分河為派又與漢河偶皆在王莽河之南遂舉漢河附之漯川以傳合遷固之謂二渠皆禹力所釀者爾至究其確實乃自漢河而非禹迹也其在北而枯俗名王莽河者榮之漢河其地並北而高即遷固同詞以為禹懼平地不勝河悍而載之高地過洛大陸以行者也此其位置近似禹河而世久難明臣亦未敢據以易言也於是參以歷代地說而究求孟鄭二子之所言審其不妄乃敢主執益堅地理志魏郡鄴縣有故大河在東北入于海既曰故河則非班固時見行之河矣命之曰大而不能直達于海則非分枝小河矣桑欽敘河自咸城以至大陸悉以大河故漢為目而孟康鄭道元止以王莽空河當之合二古河者之源委以言雖瀆空無流其灌注首尾難以審考然大略自魏郡以至大陸粗有迹道可尋而又大陸一名正是禹

河所逕則此之名爲古河莽河者其本爲禹河亦已審矣載以杜佑李吉甫樂史地書考之此之枯澗自漢至今猶不澮平蓋其在唐貫穿魏博平德平三郡之遠大抵常與漢河夾對而其中間相去遠者不啻百里而近者不能五十里雖疏比不齊而漢河常行乎南故澗書在其北推方而命則其受水而東南者即元光改流之道而空枯但存故迹且在漢河之北者則禹貢正逕也其所從枯則以河流更遷徙而空奪之也其位置相距流澗相易會古記古迹而參觀如白黑相形更何疑乎漢王瓚之言曰禹之行本本隨西山下東北去自周定王時河徙則今之所行非禹之所穿也宜卻徙開空使緣西山足乘高地而東北入海乃無水災夫瓚謂西山者太行常山也今河非禹穿者乃漢河其欲乘高而復禹之舊使漢河東北入海者乃遷固所謂引而較之高地以入渤海者也合遷固王瓚之言以爲臣言之証而王莽枯河之本爲禹河益明矣夫使此河而非禹故迹孰能關地爲陸施工力於數郡無用之處如此其闊且長也乎况漢世河決其分派北流而與漢河比大者爲屯氏爲張甲亦嘗灌注莽河以爲之道而此之故澗不聞三郡堆阜原隰悉皆貫徹其間能使決河之力不能自爲之道而因其見迹以爲之道此不待多辨廣喻而其意象宏長非古來大河其孰能當之

大河論三

禹聖人也其遺迹在河世不以禹命之而轉爲王莽者臣嘗攷之印其語起於三國之魏而非漢人肯爲此語也班固之志第曰故大河桑欽水經亦止曰大

河故澗而范曄之志郡國本東漢計簿亦曰故大河皆無謂爲莽河者其以王莽爲目據臣所知則曹魏時孟康訓釋漢志始有其語也自此而後鄭道元杜佑李吉甫輩皆祖述其說曰古河至王莽時始空無水也夫魏郡之北號爲故大河者自周以至元光河既南徙則已空澗是以班固志地理命之爲故豈待至莽時而後空也邪亦猶濟之入河不知何世何年改其舊逕而實亦未嘗竭滅世惡王莽亦曰濟之枯也以莽則知河之改澗本不因莽而莽居世議下流則遂舉以諉之其例同也夫其譌固已如此而其所從爲亦必有以臣又嘗究求其故蓋魏郡內黃縣舊漢地與汲郡之共城接其城有城而廢實王莽所築適會內黃有河亦枯澗無水二者相去不遠世久無能究其始因此城之實爲莽迹而遂以河之枯者併歸於莽流傳既遠併與長澗之互數郡者同爲莽河而遂不可改辨夫其譌誤所起曲折如此則禹河之不爲禹而名之以莽具有數端非臆度也

大河論四

王莽河本即禹河而後世爲變其名矣至其河之所經又有古絳其方鄉名稱志與經合則不獨可因絳瀆而證古絳之所麗又可因古絳而証禹河之所逕也絳瀆自唐具州漢清河經城有故迹焉已而北入南宮貫穿信都大抵北向而及古河於信都之北則經之謂北過澤水者於是乎應矣而又有可証者古河既枯而絳瀆亦枯皆以頓丘河徙而向來東北灌河之水皆轉注東南故并絳之小水亦空此其同爲一水者也若夫大陸之說難出一其始地理

志謂在鉅鹿縣北未問其去古河絕遠且其地理大序遠在古絳上流不與經應故歷代言地理者皆疑非是爲此之故應旁東北展轉求之故隋氏以趙之昭慶縣爲大陸唐氏先天中割鹿城置陸澤縣皆意大陸之在其地而爲此之名而杜李輩因而實之曰邢趙深此三州者皆大陸也亦孔穎達所謂廣平爲陸故縣延千里而皆可稱謂者是也今去古絕遠隋唐之名二縣以爲大陸者或其有據不可得詳矣姑雜信疑而兩傳之且以深之陸澤爲大陸則古河之行乎貝冀者既可用枯絳以應北過澤水之文其遙深而入滄者可以謂之至于大陸也雖不能寸寸銖銖較其首末比之漢河所經全無澤水大陸二名可以傳會者其道多矣且夫漢河之與禹河自周漢而後分爲南北二道今而驟語人曰漢河既徙而南則並北而枯澗者本謂人將莫之信據然臣敢主執其說者古絳大陸之在貝冀深者以漢河地理參之則南北相背無一而相混近以古禹河案之則趨東而北者方面向背悉皆附並此豈筆舌空談所能強合故過此而益直北東則當從九河求之

圖書編

河源總論

古今河源之說異禹貢云導河自積石未窮其源也漢張騫云河有兩源一出于闐一出葱嶺唐薛元鼎云得河源於崑崙之水亦黃黑青色以方異穆天子傳言陽紆之山河伯所居是爲河宗佛書言阿耨達山有大淵水即崑崙也其山名往往不同者或古今變易或番漢異稱不然記者之妄耳按潘侍讀昂霄